

მოწვევა ფასების წარმოსადგენად

პროექტის სახელწოდება: მსოფლიო ბანკის მესამე აღმოსავლეთ-დასავლეთის გაუმჯობესების პროექტის დამატებითი დაფინანსება (TEWHIP AF, პროექტი № P112523)

მოწვევის გაცემის თარიღი: 23.08.2013წ.

დაფინანსების წყარო: კრედიტი 5108-GE (IDA)

ხელშეკრულების № TEWHIP AF/G/SH-02

ბატონებო:

1. გიწვევთ თქვენი ფასების ნუსხის წარმოსადგენად შემდეგი სახის საქონლის მოსაწოდებლად:

i. კომპუტერული ტექნიკა და სხვა საოფისე მოწყობილობები

ინფორმაცია ტექნიკური სპეციფიკაციებისა და საჭირო რაოდენობების შესახებ იხ. დანართი N2.

2. თქვენ უნდა წარმოადგინოთ წინადადება ყველა ერთეულისათვის რომლებიც შეჯამებული იქნება ამ წინადადების ფარგლებში. ჩამონათფალის ფასი შეჯამდება და ხელშეკრულება გაფორმდება იმ კომპანიასთან, რომელიც წარმოადგენს ყველაზე დაბალ ფასს შესაბამისი წინადადებისათვის.
3. თქვენი წინადადება, მომზადებული სათანადო ფორმით, (იხილეთ დანართი № 1) უნდა უნდა აიტვირთოს კონკურენციისა და სახელმწიფო შესყიდვების სააგენტოს ოფიციალურ ვებგვერდზე.

შენიშვნა: გაჭრობის რაუნდები არ გაიმართება.

სავარაუდო ფასი არ გამოცხადდება.

4. მითითებული წინადადების მიღების საბოლოო ვადაა: **05.09.2013წ.**
5. თქვენი ფასების წარმოდგენის ეგზემპლარი უნდა იყოს ქართულ ენაზე და მასთან ერთად წარმოდგენილი უნდა იქნას შესაბამისი ტექნიკური დოკუმენტაცია და კატალოგები, სხვა ნაბეჭდი მასალა ან საჭიფოთან დაკავშირებული სხვა ინფორმაცია. აგრეთვე, იმ კომპანიების სახელწოდებები და მისამართები, რომლებიც უზრუნველყოფენ სერვისულ მომსახურებას საქართველოში;
6. თქვენი საკონკურსო წინადადებების წარმოდგენა უნდა მოხდეს შემდეგი ინსტრუქციების თანახმად და თანდართული კონტრაქტის პირობების შესაბამისად. მოწოდების პირობების თანდართული ფორმა წარმოადგენს წინამდებარე კონტრაქტის შემადგენელ ნაწილს.

(i) ფასები: ფასები წარმოდგენილი უნდა იყოს ეროვნულ ვალუტაში, ლარში მთლიანი ღირებულებისათვის ადგილზე მიტანით შემდეგ მისამართზე: საქართველოს რეგიონული განვითარებისა და ინფრასტრუქტურის სამინისტროს საავტომობილო გზების დეპარტამენტი, ქ. თბილისი, ყაზბეგის გამზ. №12, სადაც მითითებული იქნება ყველა სახის მოსაკრებელი, დამატებითი ღირებულების გადასახადი, საბაჟო ვალდებულება, ქვეყანაში ტრანსპორტირების და დაზღვევის თანხა.

(ii) წინადადებების შეფასება: წინადადებები, რომლებიც შესაბამისობაში იქნებიან ტექნიკურ სპეციფიკაციებთან, შეფასდებიან მათი ფასების შედარებით, დანიშნულების ადგილას, როგორც ეს განსაზღვრულია პუნქტით № 2.

ფასების ჩამონათვალის შეფასებისას, მეიდველი განსაზღვრავს შეფასებულ ღირებულებას თითოეული წინადადებისათვის, მოახდენს რა წარმოდგენილი ფასის კორექტირებას ნებისმიერი სახის არითმეტიკული შეცდომის შესწორებით შემდეგნაირად:

- a. სადაც იქნება შეუსაბამობა სიტყვით და ციფრობრივად დაწერილ თანხას შორის, სწორად ჩაითვლება სიტყვით დაწერილი რიცხვი;

ბ. როდესაც იქნება შეუსაბამო საცალო ფასსა და მუხლის დასახელების საერთო თანხას შორის, რომელიც მიღებული იქნა საცალო ღირებულების გამრავლებით მის რაოდენობაზე, სწორად ჩაითვლება კვოტირებული საცალო ღირებულება;

გ) თუ მომწოდებელი უარს იტყვის შესწორებაზე, მისი შემოთავაზება უარყოფილი იქნება.

(iii) გამარჯვებულის გამოვლენა: უპირატესობა მიენიჭება იმ ფირმას, რომლის წარმოდგენილი წინადადება იქნება უმცირესი შეფასებული ღირებულების მქონე და რომლის ტექნიკურ-ფინანსური შესაძლებლობები პასუხობს მოთხოვნილ სტანდარტებს. გამარჯვებული ფირმა ხელს მოაწერს ხელშეკრულებას დანართით მოცემული კონტრაქტის ფორმის და საქონლის მოწოდების პირობებს

(iv) წინადადებების ძალაში ყოფნა: თქვენი წინადადება ძალაში იქნება არანაკლებ ორმოცდახუთი (45) დღის განმავლობაში წინადადებების მიღების თარიღიდან, როგორც ეს აღნიშნულია პუნქტში 4.

7. დამატებითი ინფორმაციისათვის შეგიძლიათ მოგვმართოთ:

ტელ.: +(995 32) 237 05 08/299,215. ელ. ფოსტა: info@georo.ad.ge

8. შემოწმებები და აუდიტი

8.1 მომწოდებელი შეასრულებს მყიდველის ყველა მითითებას, რომელიც საქართველოს მოქმედ კანონმდებლობას შეესაბამება.

8.2 მომწოდებელი გასცემს ნებართვას და იგივეს დაავალებს საუთარ ქვეკონტრაქტორებსა და კონსულტანტებს, ბანკს და/ან ბანკის მიერ დანიშნულ პირებს, რათა შემოწმდეს მომწოდებლის ოფისი და ყველა ანგარიში თუ ჩანაწერი, რაც დაკავშირებულია ხელშეკრულების შესრულებასთან და ფასთა წარმოდგენასთან; ასევე, იგი უზრუნველყოფს, რათა ბანკის მიერ დანიშნულმა აუდიტებმა (ბანკის მოთხოვნის შემთხვევაში) ჩაატარონ ანგარიშებისა და ჩანაწერების აუდიტი. მომწოდებლის, მისი ქვეკონტრაქტორების და კონსულტანტების ყურადღება მახვილდება 5-ე მუხლზე – თაღლითობა და კორუფცია, რის მიხედვითაც ქმდება, რომელიც მიზნად ისახავს ბანკის ინსპექცია-შემოწმების და აუდიტის უფლებების განხორციელებისათვის ხელის შეშლას, წარმოადგენს აკრძალული პრაქტიკის საგანს და იწვევს ხელშეკრულების შეწყვეტას (ასევე ის გამოიყენება ბანკის სანქციების პროცედურების შეუსრულებლობისას).

პატივისცემით,

ირაკლი ლითანიშვილი

საქართველოს რეგიონული განვითარებისა და ინფრასტრუქტურის სამინისტროს
სააგტომობილო გზების დეპარტამენტის თავმჯდომარის მოადგილე

ქ. თბილისი, ყაზბეგის გამზ. №12

ტელ: +(995 32) 237 05 08/299, 215.

ელ-ფოსტა: info@georoad.ge

ხელშეკრულება

ხელშეკრულების პროექტი (საქონლის შესყიდვა)

სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ტენდერის ჩატარების შედეგად. ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

№

თბილისი

---- ----- 2013 წ.

საქართველოს რეგიონული განვითარებისა და ინფრასტრუქტურის სამინისტროს სახელმწიფო სატექნიკური დაწესებულება – საქართველოს საავტომობილო გზების დეპარტამენტი, მისი თავმჯდომარის მოადგილის იოსებ ქადაგიშვილის სახით, შემდგომში – შემსყიდველი, ერთის მხრივ და ----- სახით, შემდგომში – მიმწოდებელი, მეორეს მხრივ, „სახელმწიფო შესყიდვის შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტის საფუძველზე, ვლებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს მიმწოდებლის მიერ შემსყიდველის საჭიროებიდან გამომდინარე ----- საქონლის მიწოდება – შემდგომში საქონელი.

მუხლი 2. ღირებულება და ანგარიშსწორების წესი

2.1 ხელშეკრულების მთლიან ღირებულება საქართველოს კანონმდებლობით გათვალისწინებული დამატებული ღირებულების გარეშე შეადგენს ----- (-----) ლარს.

2.2 ხელშეკრულების ჯამური ღირებულება საქართველოს კანონმდებლობით გათვალისწინებული დამატებული ღირებულების ჩათვლით შეადგენს ----- (-----) ლარს.

2.3 მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღლო ანგარიშსწორების ფორმით.

2.4 შემსყიდველი ანგარიშსწორებას ახორციელებს მიმწოდებლის მიერ ფაქტიურად მიწოდებული საქონლის ღირებულების ანგარიშ-ფაქტურის წარდგენიდან 15 საბანკო დღის განმავლობაში. მიმწოდებელი უფლებამოსილია შემსყიდველს მოსთხოვოს მიწოდებულ საქონელზე

ანგარიშსწორება, მხოლოდ ამ ხელშეკრულების მე-4 მუხლში აღნიშნული მიღება-ჩაბარების აქტის გაფორმების შემდგომ.

მუხლი 3. მისაწოდებელი საქონლის შესაბამისობა

3.1. მისაწოდებელი საქონელი უნდა შეესაბამებოდეს საქართველოში მსგავსი საქონლისთვის დადგენილ სტანდარტებსა და შემსყიდველი ორგანიზაციის მოთხოვნებს.

3.2 3.1 პუნქტში აღნიშნული პირობებიდან ნებისმიერი გადახვევის შემთხვევაში შემსყიდველი უფლებამოსილია მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 4. საქონლის მიღება-ჩაბარების წესი

4.1. ხელშეკრულების 1.1. პუნქტით გათვალისწინებული საქონლის მიღება ხორციელდება შემსყიდველის ადგილსამყოფელის ან მიმწოდებელი ორგანიზაციის ადგილმდებარეობის მიხედვით (საჭიროების შესაბამისად).

4.2. შემსყიდველი საქონლის მიღებას აწარმოებს მიმწოდებლის მიერ ფაქტიურად მიწოდებული საქონლის მიხედვით.

4.3 მიმწოდებლის მიერ შემსყიდველისათვის მიწოდებული საქონელი მიღებულად ჩაითვლება მხოლოდ შესაბამისი მიღება-ჩაბარების აქტის გაფორმების შემდეგ.

4.4 ამ ხელშეკრულებით გათვალისწინებული მისაწოდებელი საქონლის ინსპექტირებასა და მიღება-ჩაბარებას ახორციელებს შემსყიდველის შესაბამისი სტრუქტურული ერთეული – -----
-----.

მუხლი 5. მხარეთა უფლება-მოვალეობანი

5.1. მიმწოდებელი ვალდებულია:

ა) ხელშეკრულებით ნაკისრი ვალდებულების შესრულება განახორციელოს ამ ხელშეკრულებით გათვალისწინებული ვადების შესაბამისად;

ბ) საქონლის მიწოდების პროცესში იხელმძღვანელოს ამ ხელშეკრულების 3.1. პუნქტში გათვალისწინებული პირობით;

გ) უზრუნველყოს საჭიროების მიწოდება შემსყიდველის კონკრეტული წერილობითი მოთხოვნის შესაბამისად – ----- პერიოდის განმავლობაში;

დ) ხელშეკრულებით განსაზღვრული პირობების შესრულებისას საჭმის კურსში ჩააყენოს შემსყიდველი ყველა განსაკუთრებული გარემოების შესახებ;

ე) საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;

5.2. შემსყიდველი ვალდებულია:

ა) შეუფერხებლად აუნაზღაუროს მიწოდებულს მიწოდებული საჭიროების ღირებულება ამ ხელშეკრულებით გათვალისწინებული ვადების შესაბამისად;

ბ) მიწოდებულთან ერთად აწარმოოს ინსპექტირება ხელშეკრულებით გათვალისწინებული პირობების შესრულების მიმდინარეობაზე.

შენიშვნა: მისაწოდებელი საჭიროების სპეციფიკიდან გამომდინარე შესაძლებელია დაემატოს სხვა სახის ჩანაწერებიც, მხარეთა უფლებამოსილებების უფრო კონკრეტულად განსაზღვრის მიზნით.

მუხლი 6. ფორს-მაჟორი

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ქრდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყენებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

მუხლი 7. პასუხისმგებლობა

7.1. ხელშეკრულების პირობების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების დარჩენილი ღირებულების 0.5% არაუგვიანეს 14 საბანკო დღეში და უზრუნველყოს დარღვეული უფლების დაუყოვნებლივ გამოსწორება. იმ შემთხვევაში, თუ დამრღვევი მხარე მითითებულ ვადაში არ გადაიხდის პირგასამტეხლოს, მას დამატებით დაეკისრება ჯარიმა ყოველი ვადაგადაცილებული დღისათვის 0,15 პროცენტის ოდენობით.

7.2 იმ შემთხვევაში, თუ მიმწოდებელზე ხელშეკრულების პირობების დარღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5 (ხუთი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.

არ გამოიყენება

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

9.2 ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

9.3 ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

9.4 შემსყიდველი უფლებამოსილია ვადადღე ცალმხრივად შეწყვიტოს ამ ხელშეკრულების მოქმედება, თუ:

- ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს)
- ბ) მიმწოდებლის მიმართ მიმდინარეობს გაკოტრების საქმე. (მოუხედავად მისი დაწყების დროისა);
- გ) მიმწოდებლის ქონებას დაედო ყადაღა;
- დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;
- ე) ამოიწურა ხელშეკრულების გარანტიით განსაზღვრული თანხა და მიმწოდებელმა არ წარმოადგინა ახალი გარანტია.

მუხლი 10. უფლებების გადაცემა

10.1 წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

10.2 მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

11. ხელშეკრულების მოქმედების ვადა

11.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან (თუ სხვა უფრო კონკრეტული ვადა არ არის განსაზღვრული), მხარეთა მიერ ნაკისრი ვალდებულებების სრულ და ჯეროვან შესრულებამდე – 2013 წლის პირველ ნოემბრამდე.

მუხლი 12. სხვა პირობები

12.1 ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

12.2 იმ შემთხვევაში, თუ საქონლის მიწოდების დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

12.3 წინამდებარე ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12.4 მხარეთა შორის წარმოშობილი სადავო საკითხები წყდება ურთიერთშეთანხმებითა და მოლაპარაკებების გზით; იმ შემთხვევაში, თუ შეთანხმება არ იქნება მიღწეული უთანხმოების წარმოშობიდან 30 დღის განმავლობაში, დავა გადაწყდება სასამართლოს მეშვეობით საქართველოს კანონმდებლობის შესაბამისად.

12.5 ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი შემსყიდველთან და ერთი პირი მიმწოდებელთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

12.6 მიმწოდებლის საატენდერო წინადადება (ტექნიკური დოკუმენტაცია, საკვალიფიკაციო მონაცემები, მომსახურების გაწევის გრაფიკი, ხარჯთაღრიცხვა და სხვა დოკუმენტაცია) თან ერთვის და წარმოადგენს წინამდებარე ხელშეკრულების განუყოფელ ნაწილს.

მუხლი 13. მხარეთა რეკვიზიტები და ხელმოწერები

შემსყიდველი:

საქართველოს რეგიონული განვითარებისა და ინფრასტრუქტურის სამინისტროს საქართველოს საავტომობილო გზების დეპარტამენტი, მს. საქართველო, თბილისი, ალ. ყაზბეგის გამზირი №12, საიდენტიფიკაციო კოდი 211 343 9 82, სახელმწიფო საზინა, ანგარიშის №200122900, კოდი 220101222.

ხელმოწერა _____ იოსებ ქადაგიშვილი

ბა.

მიმწოდებელი:

ხელმოწერა _____

ბა.

დანართი №1

ფასების წინადადების ფორმა

_____, 2013

საქართველოს რეგიონული განვითარებისა და ინფრასტრუქტურის

სამინისტროს საავტომობილო გზების დეპარტამენტი

ყაზბეგის გამზ. №12, თბილისი, საქართველო

ჩვენ გთავაზობთ, თანდართული ხელშეკრულების ფორმის მონაცემების შესაბამისად შევასრულოთ _____ [კონტრაქტის სახელი და სარეგისტრაციო ნომერი] რომელთა ღირებულებაც შეადგენს _____ [თანხა რიცხობრივად და სიტყვიერად, ლარებში]. ჩვენ გთავაზობთ, კონტრაქტში აღწერილი საქონლის მოწოდებას _____ კალენდარული დღის [რიცხობრივად და სიტყვიერად] განმავლობაში კონტრაქტზე ხელისმოწერის თარიღიდან.

ეს ფასების წინადადება და თქვენი წერილობითი თანხმობა იქნება ჩვენს შორის ხელშეკრულების დადების საფუძველი. ჩვენ გვესმის, რომ თქვენ არა ხართ ვალდებული შეარჩიოთ ყველაზე დაბალი ფასის ან ფასების დასახელების რომელიმე სხვა წინადადება რასაც მიიღებთ.

აქვე ვადასტურებთ, ჩვენი ფასების დასახელების წინადადება შეესაბამება შემოთავაზებული დოკუმენტაციის მიერ მითითებულ წინადადების ვადებს - ორმოცდახუთ (45) კალენდარულ დღეს.

რწმუნებული პირის ხელისმოწერა: _____

ხელისმომწერის გვარი სახელი, თანამდებობა: _____

მომწოდებლის დასახელება: _____

მომწოდებლის რეკვიზიტები: _____

მისამართი: _____

ტელეფონი: _____

ელ ფოსტა: _____

მოწოდების ვადები და პირობები

პროექტის სახელწოდება: მსოფლიო ბანკის მესამე აღმოსავლეთ-დასავლეთის გაუმჯობესების პროექტის დამატებითი დაფინანსება (TEWHIP AF, პროექტი № P112523)

შემსყიდველი: საქართველოს რეგიონული განვითარებისა და ინფრასტრუქტურის სამინისტროს საავტომობილო გზების დეპარტამენტი

ხელშეკრულების №: TEWHIP AF/G/SH-02

1. მიწოდების ფასი და განრიგი

№	საქონლის აღწერილობა	რაოდენობა ერთეულის ფასი	საერთო ღირებულება მოწოდების თარიღი	
			დანიშნულების ადგილას (ყველა სახის გადასახადის, დღგ, საბაჟო მოსაკრებელის, ვალდებულებების, ქვეყანაში ტრანსპორტირების და დაზღვევის ჩათვლით)	დანიშნულების ადგილას (ყველა სახის გადასახადის, დღგ, საბაჟო მოსაკრებელის, ვალდებულებების, ქვეყანაში ტრანსპორტირების და დაზღვევის ჩათვლით)
1	დიდი ფორმატის პრინტერი (Large Format Printer)	1		
	სულ:	1		

შენიშვნა: საცალო და ერთეულის ფასიდან მიღებულ ჯამურ ღირებულებას შორის რაიმე სხვაობისას უპირატესობა მიენიჭება საცალო ფასს)

2. ფიქსირებული ფასი: ზემოთაღნიშნული ფასები ფიქსირებულია და ხელშეკრულების შესრულების განმავლობაში შესწორებას არ ექვემდებარება.

3. **მყიდველი** იტოვებს უფლებას ხელშეკრულების დასრულებისას, რომ გაზარდოს ან შეამციროს თავდაპირველად განსაზღვრული საქონლის და მომსახურებების რაოდენობა 15%-ით ისე, რომ არ მოახდინოს ცვლილება ერთეულის ფასში ისევე როგორც ვადებსა და პირობებში.
4. **მოწოდების გრაფიკი**: მოწოდება უნდა განხორციელდეს ზემოაღნიშნული გრაფიკის თანახმად, ხელშეკრულების გაფორმებიდან არაუშუალოდ 45 (ორმოცდახუთი) კალენდარულ დღეში.
5. **დაზღვევა**: ხელშეკრულების ფარგლებში მოწოდებული საქონელი სრულიად უნდა იქნას დაზღვეული თავისუფლად კონვერტირებულ ვალუტაში დაკარგვის და დაზიანების შემთხვევაში, ტრანსპორტირების, შენახვის და მოწოდების დროს. დაზღვევის თანხა უნდა შეადგენდეს საქონლის ღირებულების **110%-ს**, “საწყობიდან” “საწყობამდე” და მოიცავდეს ყველა “რისკ ფაქტორს”, “ომის რისკის” ჩათვლით. მომწოდებელმა უნა უზრუნველყოს და გადაიხადოს დაზღვევის ღირებულება და დაასახელოს შემსყიდველი ორგანიზაცია ბენეფიციარად.
6. **შესაბამისი კანონმდებლობა**: ხელშეკრულების ინტერპრეტაცია მოხდება მყიდველის ქვეყნის კანონების შესაბამისად.
7. **დაჯების გადაწყვეტა**: მყიდველი და მომწოდებელი უნდა ეცადონ, რომ პირდაპირი არაფორმალური მოლაპარაკების გზით მეგობრულად გადაწყვიტონ მათ შორის არსებული ნებისმიერი უთანხმოება ან დავა ხელშეკრულების ფარგლებში ან მასთან დაკავშირებით. მყიდველსა და მომწოდებელს შორის დავის არსებობის შემთხვევაში, დავა უნდა გადაწყდეს მოცემული ქვეყნის პროცედურების მიხედვით.
8. **დოკუმენტაციის მოწოდება**: მოწოდებისას მომწოდებელმა წერილობით უნდა აცნობოს მყიდველს და სადაზღვევო კომპანიას მოწოდების ყველა დეტალი; მათ შორის შესყიდვის ბრძანების ნომერი, საქონლის აღწერილობა, რაოდენობა, გადატანის საშუალება, ტვირთის მომწოდებელი კომპანიის მიერ მოწოდების ქვითარი, სადაც ნაჩვენებია ყველა დეტალი, დატვირთვის პორტი (ასეთის არსებობის შემთხვევაში), მოწოდების თარიღი, გადმომტვირთავი პორტი (ასეთის არსებობის

შემთხვევაში), და ა.შ. მომწოდებელმა ელექტრონული ფოსტის მეშვეობით უნდა გაუგზავნოს შემდეგი დოკუმენტაცია მყიდველს, და ასლი კი გაუგზავნოს სადაზღვევო კომპანიას:

- i. მომწოდებლის ანგარიშგაქტურის ასლი, სადაც ნაჩვენებია საქონლის აღწერილობა, რაოდენობა, ერთეულის ფასი და საერთო რაოდენობა;
- ii. საჰაერო/სატვირთო მანქანის დოკუმენტის ასლი და/ან სარკინიგზო ტრანსპორტის დოკუმენტის ასლი და/ან FCR-ის (გამომგზავნის ქვეთრის მოწმობა) ერთი ორიგინალი და ორი ასლი, რომლებზეც აღნიშნული იქნება “წინასწარ გადახდილი ტვირთი”;
- iii. ამანათის სიის ასლი სადაც განსაზღვრულია თითოეული შეფუთვის შიგთავსი;
- iv. მწარმოებლის ან მომწოდებლის საგარანტიო სერტიფიკატი;
- v. წარმოების სერტიფიკატი;
- vi. ხარისხის სერტიფიკატი.

ზემოაღნიშნული დოკუმენტები მიღებული იქნება მყიდველის მიერ სულ მცირე ერთი კვირით ადრე სანამ ტვირთი ჩავა დანიშნულების პორტში (ასეთის არსებობის შემთხვევაში) და არ მიღების შემთხვევაში, მომწოდებელი პასუხისმგებელი იქნება ნებისმიერი დამატებითი ხარჯების დაფარვაზე.

9. გადახდა იწარმოებს 100% საქონლის მიღების შემდეგ ქ. თბილისში, ყაზბეგის გამზ. № 12.

11. **გარანტია:** შემოთავაზებულ საქონელზე ვრცელდება მომწოდებლის გარანტია, რომელიც ძალაში იქნება მყიდველისათვის საქონლის მიწოდებიდან სულ მცირე 12 თვის განმავლობაში. გთხოვთ დეტალურად განსაზღვროთ საგარანტიო პირობები.
12. **შეფუთვის და აღნიშვნის ინსტრუქციები:** მომწოდებელმა უნდა უზრუნველყოს საქონლის სტანდარტული შეფუთვა საჭიროებისამებრ, რათა თავიდან იქნას აცილებული დანიშნულების ადგილას მიტანისას მათი დაზიანება ან განადგურება, როგორც ეს აღნიშნულია ხელშეკრულებაში.

13. **ხარვეზები:** ყველა ხარვეზი შესწორდება მომწოდებლის მიერ ისე, რომ მყიდველს არ დაევალება რაიმე ღირებულების გადახდა მისი მხრიდან შეტყობინების გაცემიდან 30 დღის განმავლობაში. იმ მომსახურების შენობის სახელწოდება და მისამართი, სადაც მოხდება მომწოდებლის მიერ დეფექტების შესწორება საგარანტიო პერიოდში:

მისამართი-----

14. **ფორს მაჟორი:** მომწოდებელი არ იქნება პასუხისმგებელი საჯარიმოების გადახდაზე შეწყვეტის ან დეფოლტის გამო იმდენად, რამდენადაც ამგვარი დაფონება ან ხელშეკრულებით გაუთვალისწინებელი ვალდებულებების შეუსრულებლობა გამოწვეულია ფორს მაჟორული ვითარებით.

ფორს მაჟორში მოიაზრება მომწოდებლის კონტროლის მიღმა ვითარება, რომელიც არ არის გამოწვეული მომწოდებლის ბრალითა და დაუდევრობით და რომლის წინასწარ პროგნოზირება ვერ ხერხდება. ამგვარ ვითარებაში მოიაზრება მყიდველის მოქმედება, მისი, როგორც სუვერენული მხარის ფარგლებში, ასევე ომები ან რევოლუციები, ხანძარი, წყალდიდობა, ეპიდემია, საკარანტინო შეზღუდვები, ემბარგო (და არა მხოლოდ).

ფორს მაჟორული ვითარების წარმოშობისას მომწოდებელი დაუყოვნებლივ აცნობებს მყიდველს წერილობითი ფორმით ამგვარი ვითარებისა და მიზეზების შესახებ; თუ მყიდველის მიერ წერილობით სხვაგვარად არ იქნება მითითებული, მომწოდებელი გააგრძელებს საკუთარი ვალდებულებების შესრულებას მიზანშეწონილად და მოიძიებს ყველა შესაბამის საშუალებას მოვალეობების შესრულებისათვის.

15. სავალდებულო ტექნიკური სპეციფიკაციები

- (i) ზოგადი აღწერა
- (ii) სპეციფიკური დეტალები და ტექნიკური სტანდარტები
- (iii) ექსპლუატაციის მახასიათებლები

მომწოდებელი ადასტურებს ზემოაღნიშნულ სპეციფიკაციებთან შესაბამისობას. (ხარვეზების შემთხვევაში მომწოდებელმა უნდა ჩამოთვალოს ამგვარი გადახვევები)

მომწოდებლის სახელი _____

ხელმოწერა _____

ადგილი:

თარიღი:

დანართი №2

სავალდებულო ტექნიკური სპეციფიკაციები

აღწერილობა და სავალდებულო ტექნიკური მახასიათებლები:

დიდი ფორმატის პრინტერი (Large Format Printer)	ტექ. სპეციფიკაციები:	Class 44-inch Roll paper and Cut Sheet (width) ISO: A3, A2, A1, A0Memory - Standard memory 32gb, Print Resolution up to 600dpi ან ექვივალენტი
---	----------------------	---

მომწოდებელი ადასტურებს ზემოაღნიშნულ სპეციფიკაციებთან შესაბამისობას. (ხარვეზების შემთხვევაში მომწოდებელმა უნდა ჩამოთვალოს ამგვარი გადახვევები)

მომწოდებლის სახელი (რეკვიზიტები)_____

ხელმოწერა:_____

ადგილი:

თარიღი: რიცხვი/თვე/2013 წ.